

# **MEMORANDUM**

**o zajedničkom djelovanju na saniranju i ublažavanju šteta i  
očuvanju radnih mjesta**

*Sarajevo, maja/svibnja 2014. godine*

Cijeneci društvenu ulogu te vlastitu odgovornost za opšte odnose i stanje u društvu, a posebno u saniranju šteta i ublažavanju posljedica nastalih usljed prirodne nesreće – poplava i klizišta na području Federacije Bosne i Hercegovine, unapređenjem i jačanjem saradnje, te iskazane spremnosti potpisnika da svojim aktivnostima, svako u okviru svojih nadležnosti, doprinese očuvanju radnih mjesta

**Federalni zavod za zapošljavanje,  
Udruženje poslodavaca Federacije Bosne i Hercegovine,  
Privredna komora Federacije Bosne i Hercegovine i  
Savez samostalnih sindikata Bosne i Hercegovine**

zaključili su 28.05.2014. godine u Sarajevu

## **M E M O R A N D U M**

**o zajedničkom djelovanju na saniranju i ublažavanju šteta i očuvanju radnih mjesta**

### **Opšte odredbe**

Ovim memorandumom se izražava spremnost potpisnika da uspostave okvir međusobne saradnje i zajednički rade na realizaciji postavljenog cilja.

Memorandum predstavlja polaznu osnovu za implementaciju strateških aktivnosti na ublažavanju posljedica na područjima u Federaciji BiH ugroženim prirodnom nesrećom – poplavama i klizištima.

## Cilj Memoranduma

Cilj ovog memoranduma je razvoj partnerstva između potpisnika radi zajedničkog provođenja aktivnosti na ublažavanju posljedica nastalih usljed prirodne nesreće – poplava i klizišta na području Federacije BiH.

Planirane aktivnosti prioritetno su usmjerene na privremeno zapošljavanje/radno angažovanje nezaposlenih osoba na javnim radovima (poslovi saniranja i čišćenja), te stvaranje pretpostavki za očuvanje radnih mjesta u poslovnim subjektima na područjima ugroženim prirodnom nesrećom.

## Obim saradnje

Obim saradnje bit će prilagođen potrebama i fokusiran na saniranje štete i čišćenje na područjima ugroženim prirodnom nesrećom, te rješavanje problema privrednih subjekata u očuvanju radnih mjesta i održavanju nivoa zaposlenosti.

Radi ostvarenja postavljenog cilja, potpisnici Memoranduma naročito će:

- u skladu sa vlastitim mogućnostima, usmjeriti vlastite raspoložive resurse i finansijska sredstva prioritetno na rješavanje nastalih problema na ugroženim područjima;
- osigurati i razmjenjivati potrebne informacije iz vlastite nadležnosti;
- održavati redovnu saradnju sa odgovarajućim štabovima Civilne zaštite i drugim nadležnim organima i tijelima;
- analizirati potrebe tržišta rada na ugroženom području te iznalaziti adekvatne prijedloge rješenja;
- angažovati se na prikupljanju sredstva iz svih raspoloživih međunarodnih, nacionalnih i drugih izvora;
- razmotriti mogućnosti zajedničkih programa i projekata te njihovo kandidovanje prema donatorima;
- planirati, razvijati i predlagati odgovarajuće aktivnosti, mjere i programe, te dinamiku njihove implementacije u skladu sa potrebama;
- koordinirati realizaciju aktivnosti sa odgovarajućim organizacionim jedinicama, pravnim subjektima, članovima/članicama na kantonalnom i opštinskom nivou;
- informisati javnost o pokretanju i rezultatima navedenih aktivnosti;
- osigurati transparentnost u provođenju potrebnih aktivnosti;
- saradivati i na drugim aktivnostima za kojima se ukaže potreba.

## Završne odredbe

Način i postupak provođenja aktivnosti iz Memoranduma potpisnici će regulisati posebnim protokolima.

Potpisnici su saglasni da će se pridržavati Memoranduma, a u slučaju eventualnog nerazumijevanja sporazumno će iznalaziti prihvatljiva rješenja.

Memorandumu mogu pristupiti i drugi zainteresovani subjekti istih ili sličnih ciljeva pod uvjetom da načelno prihvataju principe i obim saradnje utvrđene Memorandumom.

Memorandum je sačinjen u 8 (osam) istovjetnih primjeraka i svakom potpisniku pripadaju po 2 (dva) primjerka.

Memorandum stupa na snagu nakon što ga potpišu ovlašteni predstavnici potpisnika i biće na snazi do otklanjanja posljedica nastalih usljed prirodne nesreće – poplava i klizišta na području Federacije Bosne i Hercegovine,

### ZA FEDERALNI ZAVOD ZA ZAPOŠLJAVANJE

*Kenan Rešo, direktor*

Broj: 01-49-2252/14

### ZA UDRUŽENJE POSLODAVACA FEDERACIJE BOSNE I HERCEGOVINE

*Mladen Pandurević, direktor*

Broj: I-050/14

### ZA PRIVREDNU KOMORU FEDERACIJE BOSNE I HERCEGOVINE

*Avdo Rapa, predsjednik*

Broj: 503/14

### ZA SAVEZ SAMOSTALNIH SINDIKATA BOSNE I HERCEGOVINE

*Ismet Bajramović, predsjednik*

Broj: 01-111-271/14

U Sarajevu 28.5.2014. godine